

## FÓGRA FOLÚNTAIS

# SAINEOLAITHE SÓISEARACHA i bhForbairt Caipitil Dhaonna, lena n-áirítear gairmoideachas agus gairmoiliúint agus/nó córais mhargadh an tsaothair

CINEÁL AN PHOIST: Gníomhairí sealadacha - Feidhmghrúpa AD, grád 5

SUÍOMH: Torino, an Iodáil

### An bhfuil tú réidh don chéad dúshlán mór eile?

Tá an Fhondúireacht Eorpach Oilíúna (ETF) ag iarraidh liosta ionadaithe de shaineolaithe sóisearacha paiseanta agus réamhghníomhacha a bhunú chun cur le cur chun feidhme rathúil a mhisin chun tacú le tíortha comharsanachta an Aontais agus níos faide i gcéin chun a mbeartais oideachais, oilíúna agus fostaíochta a athchóiriú.

Beidh saineolaithe sóisearacha ag obair i dtimpeallacht idirnáisiúnta agus hibrídeach agus forbróidh siad caidreamh táirgiúil agus comhoibritheach le saineolaithe agus le baill foirne eile.

### Cad a bheidh á dhéanamh agat?

Mar Shaineolaí Sóisearach, beidh an deis agat a bheith ag obair ar réimse saineolais amháin nó níos mó de chuid ETF (le haghaidh tuilleadh eolais: Straitéis ETF agus Doiciméad Clársceidealaithe Aonair) agus a bheith faoi mheantóireacht saineolaithe eile de chuid ETF.

Beidh tú ag obair ar Fhorbairt Caipitil Dhaonna agus beidh tú freagrach as gach ceann díobh seo a leanas nó as roinnt díobh: ionchur a sholáthar maidir le forbairtí beartais, tacú le faireachán ar bheartais, comhairle beartais a chur ar fáil, rannchuidiú le tuarascálacha, staidéir agus páipéir a dhréachtú, caidreamh a fhorbairt agus a chothabháil le páirtithe leasmhara, ionchur a chur ar fáil do phróisis chlársceidealaithe agus idirphlé beartais an Aontais, sonraí a léamh agus a léirmhíniú agus fianaise chainníochtúil agus cháilíochtúil ar fhorbairtí téamacha agus tíre, eolas a roinnt trí mheáin éagsúla agus páirtithe leasmhara a spreagadh trí mhodhanna nuálacha a úsáid, nascadh le seirbhísí an Aontais, le tíortha comhpháirtíochta agus leis an bpopal idirnáisiúnta.

Beidh tú ag taisteal chuig na tíortha ina mbíonn ETF ag obair agus chuig Ballstáit AE araon.

### Cé atá incháilithe?

D'fhonn a bheith incháilithe, ní mór duit na riachtanais seo a leanas a shásamh ar an dáta deiridh a nglacfar le hiarratais:

- 1 Bheith i do náisiúnach de cheann de Bhallstát an Aontais Eorpaigh nó de cheann de na tíortha ina n-oibríonn ETF, gan an Bhealarúis agus a áireamh.
- 2 Cearta iomlána mar shaoránach a bheith agat
- 3 Aon oibleagáidí arna bhforchur ag an dlí a bhaineann le seirbhís mhíleata a bheith comhlíonta agat
- 4 A bheith corpacmhainneach chun na dualgais a bhaineann leis an bpost a chomhlíonadh
- 5 Leibhéal oideachais is comhionann le staidéar ollscoile críochnaithe trí bliana ar a laghad arna fhianú le diplóma a bheith acu.  
  
Ní fhéadfar ach diplómaí a bronnadh i mBallstáit AE nó lena mbaineann teastais chomhionannais arna n-eisiúint ag údaráis sna Ballstáit sin a bhreithniú.
- 6 Eolas críochnúil (leibhéal C1 i ngach gné den Chomhchreat Tagartha na hEorpa um Theangacha (CEFRL)) i gceann de theangacha an Aontais agus eolas sásúil (leibhéal B2 i ngach gné de réir CEFRL) i dteanga eile de chuid an Aontais, a mhéid is gá chun na dualgais a chomhlíonadh.

## Cé atá á lorg againn?

### Taithí ghairmiúil

- taithí ghairmiúil trí bliana ar a laghad ar gnóthaíodh í le linn sé bliana anuas i réimsí na Forbartha Caipitil Dhaonna, lena n-áirítear Gairmoideachas agus Gairmoiliúint (VET) nó córais foghlama ar feadh an tsaoil agus/nó beartais anailíse agus fostaíochta ar an Mhargadh an tSaothair (LM), de réir a bhfuil le fáil sa roinn seo: “Cad a bheidh á dhéanamh agat?”

### Eolas agus scileanna teicniúla

- tuiscint mhaith ar Fhorbairt Caipitil Dhaonna, lena n-áirítear VET nó córais foghlama ar feadh an tsaoil agus/nó anailís LM agus beartais fostaíochta
- sárscileanna digiteacha
- scileanna maithe líonraithe
- Béarla: leibhéal C1 i ngach gné de réir CEFRL

### Scileanna boga an-mhaith sna nithe a leanas

- solúbthacht
- anailís a dhéanamh ar shonraí, lena n-áirítear an cumas sonraí a léamh agus a léirmhíniú
- feasacht agus íogaireacht thraschultúrtha
- caidreamh comhoibritheach a chothú
- cumarsáid labhartha agus scríofa
- féineagrú

### Scileanna boga a thagann le luachanna ETF

- dírithe ar sheirbhís a chur ar fáil
- nuálaíocht agus cruthaitheacht
- ionracas agus meas

- cuntasacht as a gcuid gníomhaíochtaí féin
- obair le chéile

## Buanna

- eolas maith ar bheartais, uirlisí agus ionstraimí AE agus/nó idimáisiúnta i bhForbairt Caipitil Dhaonna
- eolas maith ar bheartais, uirlisí agus ionstraimí AE agus/nó idimáisiúnta i bhForbairt Caipitil Dhaonna
- Céim mháistreachta nó níos airde sna heolaíochtaí sóisialta, san eacnamaíocht, san oideachas, sa tsíceolaíocht nó sna heolaíochtaí polaitiúla

## Cé sinne?

Is gníomhaireacht de chuid an Aontais Eorpaigh é ETF a oibríonn i dtreo athchóiriú an oideachais, na hoiliúna agus mhargadh an tsaothair ar bhealach éagsúil: oibrímid lasmuigh den Aontas Eorpach.

Is é an misean atá againn todhchaí níos fearr a mhúnlú don phobal. Tá sé mar aidhm againn cur le comhtháthú sóisialta agus le fás inbhuanaithe na dtíortha ina mbímid ag obair. Baineann Ballstáit an Aontais agus a gcuid saoránach tairbhe as caidreamh eacnamaíoch feabhsaithe leis na tíortha sin.

An bhfuil tú sa tóir ar ghairm inar féidir leat fíordhifriocht a dhéanamh? Tar ag obair linn! Is foireann dhinimiciúil de ghairmithe paiseanta sinn atá tiomanta do luachanna an Aontais a chur chun cinn agus d'athrú dearfach a chruthú. Níl anseo thíos ach cúpla fáth ar chóir duit a theacht ag obair linn:

Anseo in ETF, déanaimid ceiliúradh ar an éagsúlacht agus ar an gcuimsiú, agus beidh tú ag obair tú i dtimpeallacht dhinimiciúil ilchultúrtha inar féidir leat idirghníomhú le daoine ó gach cearn den Eoraip agus ó níos faide i gcéin. Agus baill foirne ag déanamh ionadaíochta ar bhreis agus 25 náisiúntacht éagsúla, táimid tiomanta d'ionad oibre cuimsitheach a chruthú ina mbraitheann gach duine go bhfuil meas orthu, go bhfuil ómós ag a gcomhghleacaithe orthu agus go dtugtar tacaíocht dóibh. Creidimid gur cuma d'inscne, d'aois, do chine, do reiligiún, do ghnéaschlaonadh, d'fhéiniúlacht ná do mhíchumas, tá rud éigin uathúil agat le tabhairt dár bhfoireann.

Ciallaíonn ár gcur chuige comhoibríoch go mbeidh tú ag obair i bhfoirne le páirtithe leasmhara inmheánacha agus seachtracha araon, ag cur do thaithí i láthair agus ag brath ar thacaíocht fhrithpháirteach. Táimid tiomanta don ionracas agus don chuntasacht, agus cothóimid nuálaíocht agus cruthaitheacht trí smaointe, coincheapa agus treochtaí nua a fhiosrú.

Táimid tiomanta do chabhrú leat sochar a bhaint as do chumas iomlán. Tá ár gcláir foghlama agus forbartha deartha chun cabhrú leat fás go pearsanta agus go gairmiúil, le raon leathan deiseanna chun do scileanna a fhorbairt agus chun tabhairt faoi dhúshlán nua. Idir chláir ionduchtúcháin agus cúrsaí teanga, oiliúint i scileanna teicniúla agus i scileanna boga, agus ríomhfhoghlaim, cuirimid réimse deiseanna foghlama ar fáil a fhóirfidh do do riachtanais agus do do sceideal.

Anseo in ETF, tuigimid an tábhacht a bhaineann le cothromaíocht oibre is saoil. Cuirimid socruithe solúbtha oibre ar fáil, lena n-áirítear cianobair agus roghanna páirtaimseartha, ionas gur féidir leat do ghealltanais ghairmiúla agus phearsanta a bhainistiú.

Cuireann ár suíomh iontach in Torino sraith deiseanna cultúrtha agus siamsaíochta ar fáil lena n-áirítear gailearaithe ealaíne, bialanna, árais cheoldrámaíochta agus páirceanna. Lena chois sin, agus na hAlpa agus an Mheánmhuir faoi urchar méaróige dinn, beidh ort neart roghanna le haghaidh saoire gairde spreagúla deireadh seachtaine.

Cuirimid pacáiste luach saothair iomaíoch ar fáil freisin, lena n-áirítear sochair airgeadais agus árachas sláinte, chun a chinntiú go dtugtar aire duit laistigh agus lasmuigh den oifig.

Má tá tú réidh chun páirt a ghlacadh i bhfoireann de dhaoine gairmiúla tiomnaithe atá ag déanamh fíordhifriochta, ba bhreá linn cloisteáil uait.

## Conas iarratas a chur isteach?

Is é an dáta deiridh chun iarratas a chur isteach ná 15 Bealtaine 2023 ag 23.59 (am Torino).

Tugtar cuireadh duit d'iarratais a sheoladh trí shuíomh gréasáin ETF, faoin roghbhlar "About" agus ansin faoi "Recruitment".

Moltar go mór duit gan fanacht go dtí an lá deiridh chun d'iarratas a chur isteach mar go bhféadfadh trácht trom idirlín nó fabht sa nasc idirlín a bheith ina gcúis le deacrachtaí nuair a bheifear ag cur iarratais isteach. Ní féidir glacadh leis go bhfuil ETF freagrach as aon mhoill ar d'iarratas mar gheall ar dheacrachtaí den sórt sin.

### Ceanglais fhoirmiúla

Ní mór duit na doiciméid go léir a luaitear thíos a chur ar fáil, faoin dáta deiridh, i mBéarla go hinmhianaithe:

- litir chumhdaigh uasmhéid aon leathanaigh, ag míniú cén fáth a bhfuil spéis agat sa phost
- curriculum vitae san fhoirmáid CV Europass

**Tabhair do d'aire nach nglacfar ach le hiarratais a cuireadh isteach ar líne trí shuíomh gréasáin ETF, i gcomhréir leis na ceanglais fhoirmiúla a luaitear thuas, don phróiseas roghnúcháin.**

## Cad atá i gceist leis an bpróiseas roghnúcháin?

### An Bord Roghnúcháin

Is é Stiúrthóir ETF a cheapann an bord. Foilsítear comhdhéanamh an togra ar shuíomh gréasáin ETF mar aon leis an bhfógra folúntais.

Tá obair agus plé an bhoird faoi rún daingean agus ní cheadaítear aon teagmháil lena chomhaltaí. Is éard atá i gceist le teagmháil a dhéanamh leo go ndícheallach tú ón nós imeachta.

Ceithre chéim as a chéile:

### Céim 1 – Scagadh na n-iarratas in aghaidh na gcritéir incháilitheachta

Téann na hiarratais a chomhlíonann na critéir incháilitheachta agus na ceanglais fhoirmiúla ar fad ar aghaidh go dtí an chéad chéim eile.

NB: iarrfar ar iarrthóirí roghnaithe doiciméid a chruthaíonn incháilitheacht agus déanfar measúnú orthu sula bhfostófar iad. Féach ar an roinn "Cad atá le teacht?" chun tuilleadh eolais a fháil.

### Céim 2 – Roghnúchán le haghaidh agallamh agus trialacha scríofa

Ar bhonn na faisnéise a chuirtear ar fáil sa curriculum vitae, déanfaidh an bord na hiarratais a mheas i gcomparáid leis an taithí ghairmiúil, na scileanna teicniúla agus na sócmhainní a theastaíonn. Féach ar an roinn "Cé atá á lorg againn?"

Tabharfar cuireadh do na hiarrthóirí a chuireann isteach na hiarratais is oiriúnaí chun freastal ar agallamh agus ar thrialacha scríofa. Táthar ag súil go dtabharfar cuireadh do thart ar 15 iarrthóir.

Ós rud é go bhfuil ETF ag súil le líon mór iarratas, ní rachaidh Oifigigh Acmhainní Daonna i dteagmháil ach le hiarrthóirí a bhainfidh áit amach ar an ngearrliosta. Táthar ag súil go dtarlóidh sé sin ag deireadh mhí na Bealtaine nó ag tús mhí an Mheithimh 2023.

### Céim 3 – Agallaimh agus trialacha scríofa

Déanfaidh an bord measúnú ar thaithí ghairmiúil agus ar scileanna na n-iarrthóirí atá riachtanach don phost agus do Ghníomhairí Sealadacha AE trí agallamh agus trialacha scríofa. Déanfar meastóireacht gan ainm ar chuid amháin den triail ar a laghad. Reáchtálfar na hagallaimh agus na trialacha scríofa i mBéarla go príomha.

Nuair a bheidh an chéim sin tugtha chun críche, cuirfidh an bord togra ar aghaidh chuig Stiúrthóir ETF maidir le liosta ionadaithe na n-iarrthóirí oiriúnacha a mheastar a bheith is mó ag teacht leis an taithí ghairmiúil, leis na scileanna agus leis na sócmhainní.

Beidh ag iarrthóirí oiriúnacha ar a laghad:

- 70% de na pointí leithdháilte le haghaidh scileanna boga a ghnóthú, agus
- 70% de na pointí leithdháilte le haghaidh scileanna teicniúla agus taithí ghairmiúil ábhartha a ghnóthú

Meastar go dtarlóidh an chéim sin i mí an Mheithimh 2023. Reáchtálfar go cianda é.

### Céim 4 – Bunú liosta ionadaithe

Tar éis measúnú a dhéanamh ar an moladh a rinne an bord, bunóidh Stiúrthóir ETF liosta ionadaithe na n-iarrthóirí a mheasann sé nó sí a bheith ar an gceann is oiriúnaí don phost.

Beidh an liosta bailí go dtí 31 Nollaig 2023. Féadfar síneadh a chur leis sin le cinneadh ón Stiúrthóir. Ní ráthaíonn cuimsiú ar an liosta tairiscint poist. Sa chás go mbíonn folúntas poist ann nó go mbíonn gá le cumhdach le haghaidh poist, féadfaidh an Stiúrthóir post a thairiscint d'iarrthóir ar an liosta is fearr a oireann a phróifíl nó a próifíl do riachtanais ETF an tráth sin.

D'fhéadfadh fad an chonartha nó na gconarthaí a thairgtear a bheith éagsúil de réir riachtanais ETF ag an am sin. D'fhéadfadh sé a bheith in-athnuaithe. Tá sé faoi réir tréimhse phromhaidh naoi mí.

## Agus cad a thiocfaidh ina dhiaidh sin?

Má thairgeann ETF conradh fostaíochta, ní bheidh sé faoi cheangal ag an tairiscint ach amháin sa chás go mbíonn an méid seo a leanas déanta ag an iarrthóir, sula síneofar an conradh:

- ar choinníoll go gcomhlíonann sé nó sí na critéir incháilitheachta go léir. Ní mór dó nó di:
  - bunchóipeanna nó cóipeanna deimhnithe a bheith curtha ar fáil aige nó aici de gach doiciméad ábhartha, lena n-áirítear taifead coiriúil glan
  - dul faoi scrúdú dochtúra lena ndearbhaítear go gcomhlíonann sé nó sí an caighdeán corpacmhainneachta is gá chun na dualgais lena mbaineann a chomhlíonadh
- ETF a bheith curtha ar an eolas aige nó aici faoi aon choinbhleacht leasa atá ann nó a d'fhéadfadh a bheith ann agus gur measadh nach bhfuil aon leas pearsanta aige ná aici a chuirfeadh as dá neamhspleáchas.



## Conradh fostaíochta

Tá conarthaí na ngníomhairí sealadacha i gcomhréir le hAirteagal 2(f) de Choinníollacha Fostaíochta Sheirbhísigh Eile (CEOS) an Aontais Eorpaigh. Faoin chineál conartha sin, tá an fostaí faoi cheangal CEOS agus na Rialacha Cur Chun Feidhme cuí.

## Leanúnachas fostaíochta idir Gníomhaireachtaí an AE

Má tá conradh do ghníomhaire Sealadach 2(f) ag an iarrthóir a n-éireoidh leis/léi faoi láthair agus má cháilíonn sé/sí d'aistriú faoi théarmaí CEOS, beidh an bandaleithead don phost seo AD 5 – AD 6.

## Comhar i measc Gníomhaireachtaí AE

Féadfaidh ETF an liosta ionadaithe a roinnt le Gníomhaireachtaí eile chun comhoibriú i measc ghníomhaireachtaí an Aontais a chur chun cinn. Sula roinnfidh sé é, gheobhaidh ETF cead ó gach iarrthóir ar an liosta ionadaithe a n-iarratas a roinnt. Cuirfidh ETF gach iarrthóir ar an eolas freisin faoin nGníomhaireacht nó faoi na Gníomhaireachtaí a gheobhaidh a gcuid sonraí.

## Íocaíocht

Gnáth-thuarastal d'fhostaí singil ag a bhfuil trí bliana de thaithí ghairmiúil ábhartha: thart ar EUR 4 000 glan in aghaidh na míosa; nó d'fhostaí, a bhfuil trí bliana de thaithí ghairmiúil ábhartha aige, liúntas easaoránachta agus leanbh cleithiúnach amháin: thart ar EUR 5 800 glan in aghaidh na míosa..

## Faisnéis bhreise

Ní thabharfar na doiciméid a chuirtear ar fáil le linn an nós imeachta ar ais d'iarrthóirí. Ina ionad sin, coinneofar ar comhad iad in ETF don tréimhse is gá le haghaidh an phróisis agus scríosfar ina dhiaidh sin iad.

Beidh feidhm ag reachtaíocht an Aontais Eorpaigh um chosaint sonraí pearsanta agus rúndacht faisnéise maidir leis na sonraí pearsanta ar fad a bhailítear le haghaidh an phróisis seo.

Tá tuilleadh faisnéise le fáil sa Ráiteas príobháideachais ar shuíomh gréasáin ETF.

Iarratasóirí a mheasann go ndearnadh dochar dá leasanna le cinneadh a bhaineann leis an nós imeachta roghnúcháin, féadfaidh siad gearán a dhéanamh trí na teoracha (i mBéarla) atá ar fáil ar láithreán gréasáin ETF a leanúint.

NÓTAÍ: Má tá neamhréireachtaí ann idir na leaganacha teangeolaíocha difriúla, ba cheart glacadh leis gurb é an leagan Béarla an leagan ceart.